

汪氏誦考錄



977580

通百内姓名祖降用
祖宗世系表列下



始祖统一子文二伯齡三徽四銘五

似教六應軫七延乾八克階九度十

元英十一大猷十二堯臣十三仁博十四

備秩十五烈十六雲十七淑十八舖十九

祖降二十

順數而下，應軫云胡為七世祖，仁博云

兩為高世祖

逆數而上，則祖降稱應軫云為十

三世祖，稱仁博云為六世祖，兆舖云

對仁博云為高祖之父云

陶叔祖
宗世系
之稱謂
就自己
之著述
言之此
舖也自
父系一代

起遷教而止稱之於此為十
世祖自稱十五世孫若對族人

誦芬錄

言之在自始祖一代起順教
而下稱之於此為七世祖十九
自稱為

世孫則族人可以按世系
計算而知其卑之次序


光緒戊申秋
番禺汪氏刊

也。國行附識
笑。此世系稱謂之分別

誦芬錄

明兵部車駕司郎中時用府君行狀

孫男應軫撰



先祖諱鑑字時用別號休齋世家山陰卧龍山之東寶珠里其先出自新安唐越國公華之裔元季兵燹譜亡不能考其世次曾大父諱子文大父諱伯齡皆以積善稱父聲齋諱徽博學能詩善真草書尤精於星厯以先祖貴累贈兵部郎中母謝氏累封太宜人以貞節旌門聲齋公卒時先祖方周歲太宜人萬苦撫育緝紡以給衣食如是者幾二十年始出聲齋公遺賞得一金先祖悉讓與兄銳爲農

誦芬錄

一

賈資一意讀書受業於張裕夫陳定之先生之門裕夫得名人文字三百餘篇一時不能悉錄令先祖閱之一夕歸而背誦之其性强記如此天順己卯以詩經領鄉薦癸未會試值禮闈災先祖號眾逆風裏行眾不聽爭趨填門不可啟宛轉死烈焰中同先祖走者皆免次年甲申登進士入翰林爲庶吉士逾年授兵部武選司主事奉命往頒閩浙江右武職誥敕事竣還京命選武職擢抑良好人不敢干以私有四川指揮欲私蔭庶子恐援託不行而先計嘗之先祖察得其狀叱曰待汝嫡子至翌日果至指揮懼與庶子遁去援託者一時頓息辛卯轉車駕司員外郎尋陞

郎中甲午倭歲息馬於河南山東同行者雖甚不便而民實賴之孝廟自潛宮冊立皇太子奉迎儀仗皆先祖草定著爲令典爲夏官屬十餘年究心職務操割成度彌綸舊章時稱練達惜不能盡紀遇閹人汪直用事勢傾中外嘗以公務見先祖必稱曰同宗先祖每謹避之及不聽所屬深爲所憾遂引疾歸居無何同列有被禍者以先祖爲明決云正德丙寅歲遇兩宮加徽號進階一級歸休三十餘年以耕種自娛又號十農主人絕不至公府曰與鄉士大夫結耆英會雖性不飲酒遞相唱和以適林下之懽所著有休齋集若干卷爲人狀貌甚偉性剛而明多自負以故

誦芬錄

一一

落落難合而未盡其用也已巳仲夏得疾知不起哦詩曰七十三翁四品官塵緣俗事與無干逍遙一枕游仙夢碧海青天萬里寬徜徉自若呼諸子姓囑曰吾周歲喪父四十休致君親未報常往來於懷爾曹當勉力以畢吾志乃取朝衣付伯父穀取束帶付不肖仍戒曰勉旃衣鉢之傳在此言畢而逝庚午正月九日也距生正統丁巳閏四月二十一日年七十有四娶傅氏累封宜人先卒繼娶周氏生子男五長穀國子生次詒穀青縣典史次式穀次似穀卽家君封徵仕郎戶科給事中次馘穀陰陽官女三適章幹田溟周祥孫男十二長應璧次卽不肖南京戶科給事

中應房應翼皆庠生而翼早卒應張應室應星應心應婁
應斗應昴應虛庠生孫女八適周沐金墀胡昺言瓚徐應
元吳諄朱景禮王岷山曾孫男八延吉延福延乾延良國
子生延道延震延社延泰曾孫女二在室某年月日與傅
宜人合葬於梅山之原故刑部尙書王鑑之銘諸幽

誦芬錄

三

吾族於元末自婺源遷山陰今倚粵久又占籍焉遷徙者
屢譜牒亡佚婺源支系遠不可考入浙以來代有間人舊
德清芬不可無紀述以示來葉爰將先世狀傳表誌彙刊
成帙顏曰誦芬錄尙書云聰聽祖考之彝訓所當服膺勿
失者也光緒三十四年九月番禺汪兆鏞

誦芬錄



明江西按察司僉事提督學政子宿府君家傳

十二世孫兆鏞纂集

公諱應軫字子宿青湖其別號也山陰人曾祖徵博學能詩善真草書尤精星厯祖鎡兵部車駕司郎中以忤閹人汪直致仕歸父似穀母董福建僉事董剡溪先生女姪十三月而生公少有志操讀書龍山中弱冠中正德五年庚午科舉人十二年丁丑科以詩經中第二名進士改翰林院庶吉士青湖集翁溥序朱節送出守泗州序參以明史本傳及集中贈諸德中南歸序休齋府君行狀祭母親文弟仲宿墓志十四年三月帝議南巡時甯王宸濠久蓄異謀與近倖相結人情惶懼公抗言自下詔以來臨清以南

誦芬錄

四

率罷市逃竄山谷苟不卽收成命恐變生不測疏入留中繼復偕修撰舒芬吏部員外郎夏良勝禮部主事萬潮編修崔桐庶吉士江暉王廷陳馬汝驥曹嘉等連章入諫本傳

舒芬傳同

跪闕門受杖幾斃教習竣擬授給事中有旨補外遂

出爲泗州知州土瘠民情不知農桑公勸之耕買桑植之

募江南女工教以蠶繅織作由是民足衣食帝方南征本傳

郵卒馳報駕且至他邑旁皇勾攝爲具民至塞戶逃匿公

獨凝然弗動或詢其故公曰吾與土民素相信卽駕果至

費旦夕可貸而集今駕來未有期而倉猝措辦科派四出

吏胥易爲奸僮費集而駕不果至則奈何他邑用執炬夫

役以千計伺候彌月有凍餓死者公令縛炬榆柳間以一夫掌十炬比鶻夜懸境炬伍整飭反過他所時中使絡繹道路恣索無厭公計中人陰懦可懾以威乃率壯士百人列水次呼諾之聲震遠近中使錯愕不知所爲公麾從人速牽舟行頃刻百里遂出境後有至者方歛戢不敢肆武宗至南都諭令泗州進美女善歌吹者數十人蓋中使銜之而以是難之也公奏泗州婦女荒陋且近多流亡無以應敕旨臣向所募桑婦若干人倘蒙納之宮中傳授蠶事實於王化有裨詔停止

智囊補卷四

世宗踐阼詔凡以言落職

湛若水送之南都序

誦芬錄

送者無不泣下

紹興府志

給事中雖分隸六科其事屬重大者

各科皆得通奏

明史職官志

時山東礦盜起掠東昌兗州流入

畿輔河南境公奏弭盜與禦寇不同禦寇之法驅之境外

而已若弭盜而縱使出境是嫁盜於鄰國也凡一方有警

不行撲滅致延蔓他境者俱宜重論報可

本傳

巡按江西監

察御史程啟充得宸濠通蕭敬張銳陸完等私書欲亟去

孫燧云代者湯沐梁宸可王守仁亦可因論敬銳等罪並

言王守仁黨逆宜追奪公疏訟守仁功言逆濠私書有詔

焚毀啟充輕信被黜知縣章立梅拮據之辭復有此奏非

所以勸有功御史向信因劾公帝曰守仁聞變興兵勘定

不必更議

明史程啟充傳

中官崔文家人李陽鳳索匠師宋鉅賄

不獲喉文杖之幾死下刑部治未決而中旨移鎮撫司尙

書林俊留不遣力爭不納俊言祖宗以刑獄付法司未聞

取未定之囚反付推問者臣不忍朝廷紀綱爲此輩壞亂

遂乞致仕

明史林俊傳

公疏言林俊累朝耆德豈可以一小人

故而奪其職守君子小人進退之機卽天下之治忽所由

分臣以爲宜留林俊而斥遠崔文仍下李陽鳳於法司重

擬罪犯孝惠皇太后崩發引有日羣議紛然公疏言孝惠

皇太后事憲宗爲妃此嫡庶天下之大分發引宜從大明

旁門而出不當出從中門又言奉例於午門內會同內官

誦分錄

散給軍官俸銀有司禮監典簿辛壽布設大椅高坐西廊

直望寶座事屬不敬况稱對銀兩內官隨意輕重臣等取

視率計一千兩減去一錠重五十兩本日散過八萬兩中

間減少難計其數合當拏問查究又請豁減額外薦新芽

茶舖戶買辦照例給價毋使虧苦

均奏疏

在科歲餘所上凡

三十餘疏咸切時弊本傳舊制戶科兼監光祿寺察其出入

糾其奸弊

明史職官志

給事中每日於大烹門內監收一應錢

糧物料自正德初年僉人用事科官有以光祿寺差而得

罪者以後或三日五日一至日監之職遂廢嘉靖元年公

至謀舉其職適大婚鉅費整攝其屬共圖裁省舊有科道

廳頽圯撤而新之光祿寺重修科道廳記旋以便養乞改南二年秋

調南京戶科張璉桂萼在南都方議追尊獻皇帝雅知公

名欲倚以自助公與議不合即奏請遵禮經崇正統以安

人心不報三年出為江西按察司僉事本傳按察司三字據明史職官志

增撫按委赴蘇杭選驗緞疋旋復任分巡南昌地方疏居

二年具疏引疾不俟命而歸為巡按所劾詔所司逮問公

自陳親老鮮兄弟乞休侍養吏部為之請乃免逮本傳公謂

古之君子不勇於就而勇於去雖見罪中不怨悔與人歸書

築樂遂亭為公父遊息所灌花鋤竹日侍於左右樂遂亭記久

之廷臣交薦起故官視江西學政丁父艱歸本傳家居孝友

誦芬錄 七

廉介與人交坦然無城府瓶無宿儲親黨有貧難必倡義

周之凡鄉邦利病必盡言以告有司未嘗干以私紹興府志當

時名流陶諧王畿萬潮張儉萬鏗孫存底蘊劉節諸人皆

貽書問起居家藏手札按明史陶諧王畿自有傳萬潮附夏良勝傳張儉附何孟春傳萬鏗附李默

傳孫存著大明律讀法三十卷豐山集四十卷見藝文志底蘊劉節見姓譜服闋不仕與臨川

陳九川徧遊天台雁宕諸勝飲酒賦詩以適志遊雁山記按明史

夏良勝傳勝與舒芬萬潮陳九川稱江西四諫公論牧民官以愛民為主遇事必

求平易可久遠行不可從名上做工夫得失利害付之度

外自然實惠及民不必出新奇震耀一世凡欲更革一事

不可輕率易言已日乃革之己日乃孚聖人慎重之道蓋

如此吾在泗時年尙少經歷淺甚覺此弊至今猶以爲恨
與人又云爲政之道皆從心始心乎民則凡所施者皆公

也故難有所不辭謗有所不避民惡得而不感不心乎民

則凡所施者皆私也故所以求名者愈巧而愈拙所以自

衛者愈深而愈露民惡得而不怨贈洪藻
唐序又云世之咎夫

吏者識不給也才不足也強幹卓立不逮也未有以聰明

爲患者不知聰明短者其害小聰明過者其害大愚者作

事不敢自是人得而譏之民得而辨訴之上官得以理論

而法禁之毒未痛而流穢不長也惟夫聰明自用不恤人

言民以爲病彼以爲恩民以爲敗彼以爲功愁苦呻吟之

誦芬錄

八

聲不以聞而譽口載坐其有微諷而切責之者不怒於言

則怒於色矣送會稽王
大尹序又云大抵人才雖由自砥礪亦天

有以造就之也然天有以造就之而有志者未嘗不益自

奮發以與天爭勝天無棄人之心見斯人之果於有成也

遂因而成之而其成之不終者必其有負於天者也其論

學以爲朱子蓋欲學者內外本末交相培養以存此心耳

所以闢異端扶世教正在於此恐未可輕議蓋道必講而

後明必於同不可也必於不同亦不可也吾之所見如是

因人之見而求之異吾之所見不如是因人之言而求之

同一則失之附會一則失之求勝皆惑也私心用事則先

蹶其求道之本尙何足以語聖人之道乎近蒙陽明先生
屢賜教迪豈不知感但此心疑猶未釋若陽明之文章功
業固僕之師友也又何必同而嫌於異哉皆與人書刑科給事
中劉世揚列上先朝直臣舒芬馬汝驥王思張原及公凡
二十人請加恩以旌忠直進秩一等明史劉世揚傳有文集十四

卷明史藝文志 四庫皆著錄稱其奏牘多侃直之言頗

見風采詩文樸實猶守成宏之舊格四庫提要朱彝尊云青湖

先生司諫為直臣牧民為廉吏講學為醇儒皆第一流也

其論學詩云語道豈捐陸扶世當從朱黯然思聖功二家

皆真儒審擇於鵝湖鹿洞之間非偏重陽明知卒鄉人

誦芬錄

九

私謚清獻明詩綜卷二十六入祀泗州名宦祠紹興鄉賢祠有司

於公里建坊曰清風里題為名賢汪應軫立在紹興火珠

巷家譜子延乾延良侯官丞以儒術緣飾吏治能世其家青湖

集葉邦榮序

遂昌縣學訓導汪君傳

福建巡撫豐順丁日昌撰

汪雲字曼亭浙之山陰人生而岐嶷讀書過目成誦屬文如宿構性孝友喜施與歲饑恒捐粟倡賑鄉人賴以全活者眾家有宿逋數千金輒以資產分授弟姪而躬自償之緣是困甚無悔焉雅好山水遨遊吳楚燕趙間因省親寓居粵之廣州尤久交游徧海內相國潘文恭公深器之閱其文曰一代才也聲名藉甚道光壬午舉於鄉旋丁內外艱遂閉戶著書以見其志乙未大挑二等選授遂昌縣訓導兼掌教妙高書院愛恤寒畯講授必先器識後文藝其

誦芬錄

十

大旨以小學爲立身之本宜專心研究毋溺於俗學諄諄然視若子弟朔望課藝學校率視爲具文復嚴立規條多方策勵士風因而一變及卒歸葬多士送者數十里有號泣不止者嘗爲遂邑濮晏亭先生作傳大概言世教之衰借父耰鋤慮有德色好貨財私妻子兄弟因奪產至閭牆涉訟利害雖毫末有必爭聞先生之風可以少愧是傳載入邑志讀其文可想見其爲人親朋告急揮手數百金不吝吝有負者待之如初或力不能償悉焚其券寢疾時猶作詩曰平生慷慨爲人意每遇悲懷不自持牀席支離無一事傷心朋舊苦吟詩平生篤於故舊急人患難可見矣

山陰汪君墓表

五品卿銜原任河源縣訓導番禺陳澧撰

古有幕職無幕友今之幕友其人非官也所爲之事則官事也幕友之賢否所繫豈淺鮮哉天下幕友多矣其賢者當不乏人而傳於世者則少其所爲皆官事其名歸於官而幕友遂湮沒不彰也近百年來惟蕭山汪輝祖最有名所著有佐治藥言之書其後出仕爲循吏其終身不出者則有山陰汪君鼎字禹九歿二十餘年矣子璩與澧交好以君所著筆記與王君蘊璘所爲行狀請書其事於墓石澧詳觀之曰是可謂賢也已君之客順德縣幕也知縣陳

誦芬錄

十一

君遇隆雅重君君得伸其志賑飢民清積案定緝捕條格以治盜移獄於爽塏以恤囚當是時順德政聲蔚然其事當自君發之縣有舉人羅某爲仇人誣告藏刦盜於家前任已定案矣君閱案卷而疑之告知縣覆訊羅泣曰彼所告盜行刦時我方客廣西賓州安得而藏之君告知縣訊羅所寓賓州旅舍及其年月日移文賓州察問皆如羅所言其獄遂解羅詣君謝君辭不見縣人有縛送刦盜者以盜有母請以自首貸其死君閱案卷盜乘人病危而刦之且拒殺二人例不得自首告知縣批駁之定以死罪時天大旱君曰此批出必得雨果大雨其客清遠縣幕縣民兩

家爭田皆有印契訟數十年官不能斷其一契未書順治元年君晒之曰順治元年 王師未至粵安得有印契告知縣斥之其人猶不服以 御批通鑑輯覽示之乃服其客南澳廳幕廳在大海中總兵官鎮其地與同知同城有以鎮兵謀反聚飲告總督者總督札同知察其事君謂同知曰札言聚飲以五月十三日其地則關帝廟也是日俗傳關帝生辰重民多設祀釀飲何謂反耶同知以白總督總兵聞之以千金爲君壽君卻之同知任滿君亦返省城總兵又賤以千金君又卻之固以請君正色曰吾所治者公事豈爲受金耶必強我者當投金水中總兵歎息而去

誦芬錄

三

其容信宜縣幕縣民凌十八自廣西受逆賊洪秀全僞劄歸謀聚眾從之君告知縣搜捕獲其弟凌廿四知府謂賊往廣西幸不擾吾境勿櫻其怒遂縱凌廿四而以知縣妄捕良民白巡撫解其任知縣至省巡撫訶之知縣對曰幕友誤我君自是不復佐幕矣凌廿四旣得脫聚眾轉掠州縣而屯聚羅定總督率重兵討之逾年乃定兵民死者數千人費帑金百餘萬凡君所治事不可勝紀觀此可知其概矣蓋明足以雪冤義足以執法有學足以辨詐僞有守足以激貪濁有識足以杜禍亂使其出仕當爲循吏乃終身不出且受誣於俗吏宜其晚年杜門而謝客也所著謝

容文有云我思往哲茹素守真可泯沒以終世勿夸耀以
干人其意趣高矣雖然宜表出之勿使泯沒以勸幕反之
賢者知立名之可以傳於世也光緒元年十月番禺陳澧
表

誦芬錄

古



汪省齋先生七十壽序

蕭山朱啟連撰

士固有居冠蓋之間被江海之服浮湛自適近之則名尊而業顯遠之則德薄而身敗此其人必和易有守者也與物無競者也知治行者也能全其天而無變於俗者也啟連贅於汪氏汪氏之賢者人知之而省齋先生則外舅穀盦先生之從兄少與外舅同學壯同遊客於四方老矣猶爲賢侯旌幣之所逮其治事和而當濡迹逃譽立身無愧怍而其蘊含之德尤足以漸厚而厲佻久處者知其然也故方其壯也更歷兵燹嘗定妖亂於猝起守孤城於援絕

誦芬錄

五

安反側銷株蔓功在一方面揜於主者之名及其望隆齒尊則又如以元酒注匏器醕諸匕俎之間公賓在前擯介在後銳仕少年窺時赴物疑而未敢以自附要豈足爲先生加損也哉君子之行惟其實名滿天下勲列後世固有所不必辭若夫意翔寥廓有諸己者不以加諸人沮於人者不能擾吾天功烈可無述也聞譽可無施也是則可謂倜然者矣外舅於啟連師也師往矣求其當於斯說則於先生庶幾遇之今歲先生七十客居陸豐僚壻李子鴻鈞等聯句詠詩以爲壽而命序於啟連謹述先生之賢而宜壽者質之汪氏子姓其必以謂不誣云省齋者先生所居

也

誦芬錄



共

也

先妣事略

男兆鏞謹述

先妣盧太宜人山陰人外大父諱子陶外大母爲曾叔祖
冀才先生女太宜人歸吾父十三年歿時兆鏞甫十一歲
於太宜人性行大略記憶恍惚惟聞諸吾父所稱述者
得一二痛哉咸豐十年長髮賊自懷集竄四會時吾父客
縣幕佐令持堅守計圍急糧盡掘草根爲食婢媪多亡散
或諷間道脫走太宜人曰賊徧野走亦不免且遁者眾人
心皆搖城必潰矣積薪屋下儻城陷將自焚凡百二十日
援師至城圍始解太宜人幼讀書通大義自奉至儉十餘

誦芬錄

七

年未嘗易治一衣冬月寒甚曳布裳穿穴纍纍而兆鏞及
諸妹衣履悉出太宜人手中鐙火熒然夜分糾紆不輟蓋
習於勤苦若出天性也夙思嗽後益劇兆鏞嘗夜從塾歸
課讀鐙下讀有誤方嗽急欲是正輒指書抵几以目之未
悟則嗽且逾急嗚呼思之尙如在左右卒以嗽成疾以至
不起兆鏞遂長爲無母之人矣哀哉太宜人生兆鏞及妹
三長適錢塘李氏次適仁和華氏三適番禺沈氏兆鏞娶
順德陳氏生子五宗泰宗洙宗澧宗準宗藻宗澧生十一
歲而殤皆太宜人所未及見也光緒二十三年四月謹述

汪穀齋先生行狀

蕭山朱啟連撰

先生諱璵字玉泉號芙生晚號越人所居名穀齋學者稱穀齋先生姓汪氏唐越國公華之裔元末自新安遷山陰明正德中有諱應軫者風節政事具明史本傳著青湖文集十四卷錄入四庫其十一世祖也曾祖倫秩字攸五文章得陳句山之傳祖炆字明之著史億二卷父鼎字禹九著雨韭齋筆記四卷明之公禹九公皆不仕禹九公生二子長天先生居次幼聰慧七歲能爲詩長有文名隨侍客遊於粵粵中詩文之會輒冠其曹遠近蒼秀皆願納交人

誦芬錄

六

之禹九公老矣貧不能歸謀所以養客有爲夷酋說者以重金延主文牘先生笑曰吾能作黔婁不知有中行說也咸豐三年遊曲江主五公五福始爲幕客四年閏月賊陳開何六黨數萬人圍縣城文武爲城守計先生營畫功多賊營城南帽子峯與城絕水掠民船濟而北晝夜聚攻先生曰是可火據上風以火箭射焚其舟盡會夜數十里水光皆赤船賊殲焉由是賊不得逼城賴以固凡十月圍始解先生追危其事繪爲秋城夜角圖一時名流題詠殆徧其年禹九公歿七年客陽山繼客番禺東莞二縣廉瓊潮高肇慶五府皆主五公十六年而五公卒公爲嶺南循吏

所至有聲既得先生治狀尤著方先生壯年有志天下事
撫部耆公耆英奉 旨自粵率師援閩聘與偕行母盧宜
人意不欲乃止盧宜人歿服闋年四十矣會病瘧瘥自度
精力頓衰無復用世之意同治八年再客潮州十年六月
大水滅幾沒決蔡家圍漂人畜田舍先生勸當事者賑撫
立散賑之法文告多出其手時主冒公澄爲鹽運同十一
年主藩使俊公俊達自是常居番禺 國家庫藏出入有
經錢糧銀五百兩以上非奏聞不得用異時粵中水旱官
吏持例不敢議賑潮州水時大府閱牘意感遽發藩庫銀
二千兩吏以其未奏也不敢報部顧銀已出庫逾年不知

誦芬錄

九

所爲及是請之先生曰田房徵稅契銀其額外之羨餘本
爲地方公用由稅羨開報無害也如其言籍入部置不問
後州縣災歉皆得請帑於司自先生始光緒元年主督部
劉公坤一繼劉公耆裕公裕寬張靖達公樹聲曾忠襄公
國荃皆倚重先生廣州通蕃最久民與夷習互市爲天下
重夷之習中國者恆因貪衰之民恢詭其所爲以機穿相
陷伏外挾啗疑內隱私利事發於此而意寓於彼文書往
復剛柔萬端而總督實專其政片文殘意一委先生凡四
公六任居幕府者十年威不下褻辭不失舊牙枿潛折民
氣不謹不撓其效在冥冥之中顧亭林所謂匹夫匹婦與

有其責者先生亦嘗自言於此盡布衣報國之忠乃精力
愈耗不可支矣曾公知先生特深其總輿也越南之事始
棘公故宿將沈機慮應而示無倪旬月戰備畢辦獨先生
與其謀吏民無知者公嘗歎息恨相見晚且曰惜吾兄未
識君兩司以事衙謁公欲見先生辭曰事取進止於公某
一介土耳公不以爲不肖使參計畫而周旋於幕外雖無
物論不宜公言左繼舉居駮文忠慕時嘗如此先生曰左
侯經緯非常非其人則不可某以不可學侯之可也公歎
曰斯可爲師表矣臨別三誦此言當曾公時先生鬚髮驟
白後不復任爲客凡以此世或疑曾公於越南事無備請

誦芬錄

三

以先生徵之晚歲積衰感聞見之不稱病肝藥不能瘳自
以學問治之十七年正月感春溫七日證耳聾憊二十餘
日二月初三日卒春秋六十有四嗚呼求吏事於文人効
孤忠於韋布可以養化原厲名節慮遠而持變投之有效
古今上下殆不多有也性警敏事至立斷倉卒肆應循其
意行皆必無失博極羣籍辨治忽之機析於豪芒洞然百
變之後其利害如睹也其所言未嘗不可行者其蘊蓄不
抒多矣略於無聞子一編見之無聞子者先生四十自號
以名其書語皆實獲可采古今事爲之傳或又曰爲老氏
之流者也於文學無所不通尤長於詩初擬溫李晚儕范

陸幽遠深曠造乎自然後世必有疑爲南宋金元間人者
其高者乃中晚唐音矣精漢隸書藏碑數十百本晚年臨
摹不倦論隸法北宋浸失其傳至明而極 國初始復漢
舊亦如駢體文復六朝唐之舊焉第卓然成立者無幾人
桂未谷差得其正錢梅溪雖近俗所得漢意深矣博涉而
未專精則師石經之體猶足以自覆其拙專而不博亦無
譏焉鄧石如以篆入隸又奉洪景盧所棄之白石神君碑
以爲師而名於一時所不解也手書屏幃縉紳家往往有
之嘗欲精書刻石衰病未果獨元次山冰泉銘金運同武
祥補刻梧州者是先生書非就石以書不免失真然足見

誦芬錄

三

其概已著隨山館猥稟十卷叢稟四卷詞一卷無聞子一
卷松烟小錄四卷旅談四卷皆六十歲自定門弟子姚文
駿陶爾錕輩刻以爲壽歿後子兆銓取未刻詩編爲續稟
二卷凡爲詩十二卷其他諸作各增附焉松烟小錄增爲
六卷旅談增爲五卷並刻尺牘二卷林胡駱曾四公奏議
八卷乃先生選示及門者已前刻皆行於世先生足跡不
逾五嶺文字交徧天下象州鄭獻甫成都朱鑿成最相友
善祥符周星詒讀先生詩自福建郵贈以畫嘉興張鳴珂
錄先生文入所選駢體正宗續編皆未識面者弱冠時番
禺張維屏數欲致之門下南海譚瑩漢軍陳良玉番禺陳

禮沈世良咸豐同治間皆稱粵之名宿其重先生不啻人
之重之先生嘗歎使吾不奔走衣食佐人幕事所造故當
勝又言幕客治事當如身居此官善則歸於主者不當居
其名也今著作可傳如此惜乎功烈無以自見抑良才隱
世江湖賤貧有道君子固處之適然者乎捐納監生同知
銜封奉政大夫以子貽封文林郎配張氏賢厚能貧子一
兆銓女二長天次卽啟連婦也孫男二欽岷先生少長粵
中更兵亂父母隨葬於粵自以終無歸期始令兆銓援例
入籍應試以番禺縣學附生中光緒十一年乙酉科廣東
舉人官海陽縣儒學教諭兆銓及從子兆鏞故人子陶邵

誦芬錄

三

學皆傳先生之學掇科第有名於時著籍弟子數人凡所
甄陶學行咸足自立啟連年十九卽從學先生妻以女館
於家雖驚弱無所肖似略知先生志行不敢無一言以詭
天下之蓄道德能文章者兆銓將以某年月葬先生於某
原謹狀行義如右銘幽之惠感且不朽云

清故敕封文林郎國子監生汪君墓誌銘

湖南巡撫義甯陳寶箴撰

君山陰汪氏諱璵字玉泉一字越人所居曰穀庵學者稱穀庵先生客粵占籍遂爲番禺人曾祖父倫秩祖父爝著史億二卷父鼎著雨韭盒筆記二卷劬學不仕君少隨父遊粵東輒以文詞最曹偶以父篤老不能歸迺佐郡縣爲幕客所至咸有聲譽始客曲江羣寇圍縣城逾歲卒用君策盡燔寇舟城賴不陷由是君以才略顯藩使俊達公聞而聘焉先時潮州災賑庫銀二千事久未上籍且慮格部例不知所出君曰稅契奇羨異正賦所以備緩急與非常

誦芬錄

三

也以是聞司農其可果置不問後列縣水旱率得領賑司庫便利至今君之本謀也光緒初元劉公坤一爲總督延君主夷務理中外交涉自國家通蕃互市久廣州最領襟要利弊所倚伏尤鉅番夷旣習中國又頗緣奸民設疑刺隱嚮肯搆伺文書往還首尾萬端君居幕府凡十歲洞幾折萌劑和柔剛繼劉公者曰裕寬公張靖達公曾忠襄公撫御毗夷號稱辦治維君計畫贊助爲多焉君才性開濟識慮通遠法越之難邊海騷震曾忠襄公獨就君陰籌戰守備扞無形服君偉才歎爲國寶然君貞簡絕俗澹於榮仕俯仰委蛇歎詠終老海濱之儒羈旅之士至論清德

渣行長於謨筴達於事變旋幹冥漠之中而不尸其名浮
湛汗濁之俗而不滓其志益未有先君者已晚歲養痾耽
情墳史名賢鉅公禮聘踵至終不復出素勤纂述著書滿
家雋辭奧旨究理天人儒學宗焉凡有隴山館集十八卷
無聞子一卷松煙小錄六卷旅談五卷尺牘二卷春秋六
十有四以光緒十七年二月丁酉卒配張孺人男子子兆
銓乙酉科鄉試舉人官海陽縣學教諭女子子二人次嫁
朱啟連端介有文行傳君之學者也年月日兆銓將葬君
於某原詣啟連所述狀屬銘其辭曰

海維炎州億族環之薦羶刺肥施彼阱笱伊君沖懿與道

誦芬錄

音

盤嬉脫然塵垢保其天倪亭亭雅志振振上才雍容帷闥
爰職契司幹運無名杜機未恢六合內外清風噓濡孰云
棄世有偉厥辭精貫元黃理劭等夷朋從歸高曰賓曰師
摛翰序幽神宅允綏

汪母張太宜人墓表

內閣中書番禺陶邵學撰

天下之禮教起於士大夫之家法而士大夫之家法其興壞恆由於婦人故古之言婦事也備而其爲教也亦詳蓋自天子之后卿之內子至於列士庶人之妻莫不勤於其職而無敢以逸樂爲事者其或不修中饋而休其蠶織則詩人譏之古之人所以助內治而成其美俗者由此道也後世婦學不明士大夫往往以家自累而五嶺以南民多富賈女子尤競於邪侈方其在室之時固已不見可法凡絲枲之任賓祭之儀詩書圖史之誠概乎其未之聞也及

誦分錄

三五

其旣歸而責以婦職之事則恥以爲卑賤而不足爲其見奢縱亡義者則相與趨慕之故上之不能宜其舅姑其尤薄者遂多天禍而無以成子姓以吾所見聞婦德之不修未有如粵俗之敝者也而吾宗自先世以來所與通婚媾者皆出於浙之遷族故一時嫻郇之間其風尙禮俗尙頗循吾鄉之舊而汪君兆銓之母張太宜人爲尤賢云太宜人諱某父某穀菴先生之配也先生昔嘗貧矣父老客遊先生幾無以爲養太宜人百計拊擋恆先事而作後時而息無幾微怨懟之色而先生得以怡其貧其後先生歷佐大府歲入累千金兆銓亦以鄉舉得官門戶寔昌矣而太

宜人處之翺然如畏若不克保其家者其服御之儉曾不比於中人而嫺族得以資其乏先生家無媵妾而煩辱之事未嘗不親先生門多賓客而酒漿之供未嘗或缺其治家纖嗇雖絲粟不棄而門以外者無不恩也其遇物慈愛雖僕御不訶而室以內者無不肅也終其身無一時之或縱一事之偶侈故能門庭雍穆子姓皆賢處困而得其亨力劬而壽彌固蓋以古之女教言之太宜人之行未爲甚異也以今之俗觀之則所以成其家而庇其後人者固有在矣然則人莫不欲受天之祐而常怠於其職者可不謂大惑也歟太宜人之歿也以光緒二十三年十二月朔日

誦芬錄

三六

春秋七十有二踰年正月將合先生之柩葬於某山之原其壻朱君啟連旣誌而銘之而邵學嘗遊先生之門習聞其家法故略表其貞恆之德與夫困亨之理以告吾宗之來歸者且以砭輿俗之陋使知夫驕惰者易敗積勤者必興而士大夫之欲治其家者必先自其女教始也

津	册数	1
沽	定价	.80

67000078



561